

Mientras cu tin un par di banda sin trabao pa e paradanan grandi **Tin tur indicacion ta musta cu tin un banda internacional den nos parada**

Antayera nos a keda masha asombrá di mira con un lider di grupo ta bisa cu lo tin un banda internacional na caminda pa animá nos parada di carnaval den caso aki e grupo aki en especial.

Hopi tabata e preguntanan cu a sali despues di e anuncio aki y te hasta tin hopi hende cu a drumi malo e anochi aki, pero tambe esnan cu no a tin un contrato pa participá den e parada di carnaval.

Tabata 3 siman pasá a sali masha gritamento cu aparentemente lo tin un banda internacional na caminda, pero despues di esaki manera ta

tradicional e caso aki a muri y a bai perdí den tur e movecion di carnaval.

Na e momento ey a wordo anunciá 3 siman pasá dor di ASOMA cu esaki no ta permisibel den nan reglanan pa permití un banda internacional participá den nos parada grandi.

Pero tabata hopi casualidad cu despues di e anuncio na television su dia despues a sali un co-municado for di oficina di SAC y ASOMA unda cu nan ta condená e hecho cu tin un banda internacional ta bin Aruba y cu Los Duques, Roadmarch King Long Roy

cu Coco-loco Band y Papito cu Latin Fever/Dobble Sabor ta afó di e parada di carnaval.

Shonnan, un cos ta berdad e personanan concerní a cana nan caminda reglamentario esta di pidi e permiso necesario na ASOMA, DOOV y otro departamentonan. Loke nos ta haciendo aki ta un tiki di mas, pero awó no tin cu señalá Sr. Elgin Juddan cu a duna e permiso den nomber di ASOMA. No nos tin nada mas di bisa, pero ban wak si e bandanan cu ta afó lo keda afó of lo drenta aden. Aunque nos ta duna esaki ya cu e costo pa un banda subi riba caminda ta masha halto mes. P'abo bai drenta parada di gratis ta casi un mision imposibel.

